

Lectors (Chyum Laika Hti Ai Wa)

Magdalena Lasang Hkawn Ra a Ga san hpe htai ya na nngai.

Ga San: Hkungran ga shaka n'lu ai ni hte masha num la hte mayaw htinggaw de bai de sha re ai ni nawku jawng hta ja chyum laika Karai a mungga mai hti ai kun?

Catholic Nawku Hpung a Nawku Daw Ja lamang hta shi the shi tsang the tsang magam bungle ni nga nga ai. Jau Aya sacramentu hkam la sai ni gaw Missa Hkungga Nawng ya na the kaga sacramentu ni hpe jaw ya mai ai Mara Raw ai, Hkungran ai, chyoipra hkum shabyin shatai ai. Machyi ai ni hpe chyoipra sau chya ya ai. Kashin Kamun sacramentu ni hpe jaw na ahkang lu ai. Wa saradaw ni n'du mai ai, ra ahkyak wa ai ten hta N'gun shaja sacramentu hpe mung jaw na ahkang nga ai.

Wa Saradaw Aya tang da hkrum sai ni gaw Jau Aya sacramentu, N'gun shaja sacramentu the Jau Aya hkam sai ni jaw ya ai sacramentu mahkra hpe jaw mai ai.

Wa saradaw Aya, cardinal Aya, Wa sarabyin ni yawng gaw n'dai madang kaw rai nga ai. Nawku Jawng Kaw Chyum Laika hti na aya hpe English ga the Lector ngu ai chyum laika hti aya hkam ni hti ai rai nga ai.

Jau Tai Dakkasu lung taw nga ai Jau Tai jawngma ni gaw Theology ngu ai Karai Kasang the seng ai hpaji hpe lahkawng ni sharin awng la ngut ai hpang dai Lector, chyum mung ga hti aya hpe hkam la ai.

Mai gan mungdan ni, grau n'na catholic mungdan ni hta hpung masha ni mung dai zawn re ai karai Hpaji hpe sharin awng la lu ni hpe Lector chyum mung ga hti aya masat ya ai. Dai ni chyu sha Nawku Daw Jau Lamung hkan chyum mung ga hti na ahkang jaw da ai hkrum ai.

Raitim N'dai Lector chyum mung ga hti aya lu da ai ni Nawku Daw Jau Lamung ni, grau n'na Missa Hkungga Nawng ya ai, Laban Nawku Hpawng hkan Madu a Kabu gara shiga laika ni rai nga ai. Mahte, Marku, Luka the Yawhan a Kabu Gara shiga ni hpe hti na ahkang n'jaw da ai.

Raitim anhte mungdan the catholic hpung masha n'law ai mungdan, mission countries ngu ai s asana majen je shakut ngai mung dan ni hta gaw kadai raitim Catholic Hpung masha Gungai Dingla Wa ngan hpaw mi, mahkawn shabrang mai hti ai hpe ahkang jaw da nga ai. Karai a mungga hpe asan apra masha shawa chye na hkra hti lu ai wa hpe gaw chyum mungga hti shangun nga ai.

Naw ku Daw Jau lamang ni hta karai kasang a mungga hpe du dung lawm ai hpung shawa ni asan sha na la lu na mung grai ahkyak nga ai.

Dai majaw anhte a mungdan hta chyum mungga hpe atsawm chye hti ai ni hpe Nawku Daw Jau Lamung hkan hti na ahkang jaw da nga ai.

Karai Kasang a ga rai nga ai majaw htap htuk manu ai masha mung rai ra nga ai.

Chye chyang htuk manu ai masha ni n'nga ang ai aten, shara ni hta ni hkan rai yang kadai hpe raitim hti shangun mai nga ai.

Catholic Nawku Hpung a Rit Kawp Tara Canon Law numbat 1752 hta matsun ai gaw rap ra lam hte masha asak hkye na, grau n'na masha a wenyi hkye na gaw Nawku Hpung amu magam kaba rai nga ai. Dai majaw ra ahkyak wa ai ten hta kadai raitim mai nga ai.

Wa sarabyin Francis Kaw January 10, 2021 hta Mungkan Hpung masha ni hpang ndau shana ai laika Apostolic Letter Spiritus Domini, Madu a Wenyi hta ngu lachyum htai la mai a matsun hta Nawku Hpung a Rit kawp Tara canon nembat 203 daw lahkawng hta Karai a mungga chyum Laika hpe num sha la sha kadai raitim hti shana ya mai ai hpe matsun sai. Raitim chye chyang ai ni n'nga ai shaloi, Nawku Hpung Ka n'na aya hkam la da ai ni n'nga ang shaloi kadai raitim hti mai ai hpe mung matsun da nga ai.

Ga san hta na lawm ai the maren nga yang ra ahkyak wa ai ten hta gaw kaelai raitim Karai amungga hpe Nawku Daw Jau Lamang hta hti mai ai lam hpe htai ya lu n'ngai.